

fichead bliadhna dh'aois an uair a fhuair e bàs: cha d'fhàilnich a shùil<sup>a</sup>, ni mò a thréig a nèart e<sup>b</sup>.

8 Agus ghuil clann Israeil air son Mhaois ann an còmhnaidh aibh Mhoaib deich laithean air fhichead: mar fo chrìochnaicheadh laithean a' ghuil agus a' bhròin air son Mhaois.

9 Agus bha Iosua mac Nun làn do spiorad a' ghliocais; oir chuir Maois a làmh air: agus dh'éisid clann Israeil ris, agus rinn iad mar a dh'aithn an Tighearna do Mhaois.

10 Agus cha d'éirich fàidh o sin ann an Israel cosmhail re Maois, neach a b'aithne do'n Tighearna aghaidh re h-aghaidh.

11 Anns na h-uile chomharaidh, agus iongantais a chuir an Tighearna e dheanamh ann an tìr na h-Eiphit, air Pharaoh<sup>c</sup> agus air a sheirbhiseich uile, agus air fhearann uile,

12 Agus anns an làimh chumhachdaich sin uile, agus anns an uamhas mhòr uile, a dh'oirich Maois ann an sealladh Israeil uile.

<sup>a</sup> robh a shùil dall.

<sup>b</sup> lùghdaicheadh a chàil.

<sup>c</sup> 'an aghaidh Pharaoh.